

Team di Aruba trahando riba documentario di Laureado Nobel

ORANJESTAD—E ta un di e autornan favorito di Presidente Barack Obama y na 1992, el a bira e unico autor di Caribe cu a keda honra cu un premio Nobel di Literatura. Y awor, su storia ta documenta pa un team di Aruba.

E ekipo di director y productor Ida Does, productor Rebecca Roos hunto cu camarografo Ingmar Maduro a haya acceso special na e laureado di Premio Nobel, Derek Walcott na ocasion di e celebracion di su 82 año. Does, Roos y Maduro a biaha pa St. Lucia, isla nativa di Walcott, kende a festeha su fecha natalicio den compania di un cantidad di invitado special. St. Lucia



Ida y Ingmar filmando

tabata fuente di inspiracion pa hopi di e poemanan di Walcott kende a haya reconocimiento di e hurado encarga cu e premio Nobel pa su creacionna poetico di

hopi iluminacion, sosteni pa un vision historico cu a nace di un compromiso multicultural. Ademá di e premio Nobel di Literatura, Derek Walcott a ricib tambe e pre-

mio T.S. Eliot pa su coleccion titula 'White Egrets.'

Ida Does ta un cineasta y documentarista di origen Surnameo ta biba tanto na Hulanda como Aruba. Pa hopi año el a traha den e ramo di periodismo, tanto como periodista y tambe como editor.

Na 2010, el a produci y dirigi un pelicula riba e poeta Surnameo Trefossa, kende ta e pionero den e uzo di Sranantongo den poesia na su pais. E documentario tabata e pelicula cu a habri e Festival di Pelicula The Backlot na Surinam y na 2010 a gana e premio di publico na e Festiva di Pelicula 'Africa den Imagen' na Amsterdam. Does a traha pa varios año como editor di Amigoe di Aruba y a keda semper cu lazonan special cu e isla. Asina tambe el a dirigi documentarionan di Aruba bou produccion di Rebecca Roos y asina tambe a nace un relacion profesional fuerte cu a culmina cu e filmacion di e documentario riba Derek Walcott. Walcott a celebra su di 82 aniversario riba 23 di Januari ultimo, y el a celebra e fecha hunto cu su ami-



Ida y Ingmar cu e busto di Walcott



Ida, Rebecca y Ingmar

gonan, cu ta inclui otro laureado di Nobel pa Literatura, cu ta e poeta Irlandes Seamus Heaney. Es mas, St. Lucia ta tene anualmente su Siman di

Laureadonan di Premio Nobel durante e periodo di e fecho di hacimento di año di un di su yiunan mas famoso. Pasobra no ta Walcott so ta un laureado Nobel di St. Lucia. Sir Arthur Lewis a ricibi un Premio Nobel pa Economia na 1979 y tambe ta un nativo di e isla. Durante e siman aki ta organiza un cantidad di actividadnan intelectual y artistico riba e isla di 160 mil habitante, na honor di e dos laureadonan.

Segun Ida Does, e filmacion a existi expectativa, particularmente danki na e cooperacion habri y esfuerso di Derek Walcott mes y tambe e sosten cu e team di Aruba a ricibi na St. Lucia. Rebecca Roos a expresa cu e imagennan di e comunidad Caribense na St. Lucia, banda di ta bunita, ta hopi confrontante tambe y sigur hopi intenso. Camarografo Ingmar Maduro mes ta considera e experiencia como unico unda por a immortalisa algun imagen completamente original.

E team a filma na varios parti di St. Lucia, manera Gros Islet, na e bunita plaza

dedica na Walcott, esta e 'Derek Walcott Square' ubicada den e capital, Castries. Tambe a filma na Canarias y Anse La Raye (St. Lucia ta un isla unda ta papia tanto

Ingles como Creolle). Tambe a filma amigonan di hubentud di Walcott. Investigacion y e prome fase di e documentario riba Derek Walcott tabagta posibel door

cu a haya sosten financiero di e Fondo di Cultura Prins Bernhard di Aruba y tambe entidad Ingles, BritDoc/Poema Creatives. E productor na ta kere di por tur e

trabou pa por presenta e documentario pa fin di 2012, pero entretanto ta preparando caba un 'trailer' esta e video promocional di e produccion. □